

Arthur Comenencia di CAA:

Asina cu bo tin 2 ora ta hungando Computer Game ya bo ta den problema di adiccion di gaming



ORANJESTAD (AAN): Sin uda alguno, e fenomeno di sinta na cas dilanti TV of pantaya di Computer, pa hunga videogame ta birando mas complica den e siglo nobo aki.

Desde cu Online Games a bira popular, ta hopi hende ta sinta cu un joystick, of tambe mouse y keyboard nan dilanti pa hunga weganan di strategia y control rapido, cu ta rekeri high-speed internet pa logra esey.

Esnan cu tin machine di Microsoft X-Box, Sony PlayStation, y tambe Nintendo awendia tambe ta hunga weganan cu ta conecta constant cu Internet.

Algo cu a bira hopi popular ta weganan di deporte manera FIFA 2019 cu ta rekeri e internet pa bo hunga cu tur otro friends riba e isla. Pero tambe tin Grand Theft Auto, Call of Duty, Minecraft, y tambe e popular Fortnite.

E alumnonan di Colegio San Antonio MAVO na Santa Cruz tin un proyecto combina cu workshop di seis siman largo cu ta atende e asunto aki di Online Gaming, y e adiccion cu hobennan ta enfrentando, cu nan kier hunga e weganan aki. Docente Josine ta e persona clave cu ta yudando e alumnonan cu e proyecto.

Den cuadro di esey, nan

a solicita yudanza di CAA Aruba, esta Consultorio di Asuntonan di Adiccion pa duna un workshop na e proyecto aki di Colegio San Antonio.

Den un entrevista cu e enfermero Arthur Comenencia di CAA, el a splica cu a papia cu e prome adiccion ta e smartphone, y no tin control riba dje. A mostra nan kico ta e peligro di smartphone, y con nan ta ataca esaki pa asina reduci e dependencia di e aparatonan mobil aki.


Di e forma aki e hobennan ta haya sa di e peligro, y por logra reconoce ora cu nan ta tuma demasiado atencion na Video Games.

Hopi di e alumnonan tin Sony PlayStation na cas, y a mostra con unavez bo puntonan di scol cuminza bay atras, esey lo bay tin consecuencia tanto pa su resultado y progreso na scol, pero tambe problema na cas.

Comenencia di CAA a mostra nan usando slideshow di varios punto importante, y a hasta muestra nan un video unda bo ta mira un hoben cu tin 8 aña ocupa cu gaming extremo, con el a bira unavez cu e adiccion aki a tuma over, y con e tabata kibra tur cos na cas. Esaki na su turno a pone e alumnonan realiza y cuminza concientiza nan mes kico por socede si esaki bay for di control.

Na opinion di Arthur Comenencia, ta importante pa haci mas di e presentacionnan aki na scol pa asina por concientiza hobennan di esaki. No djis pasobra cu rond di hobennan awendia tur cos ta draai rond di internet, y tin di tene cuidao cu esaki.

Tin hackers tur caminda, y a splica e hobennan riba e peligro di usa credit card di



mayornan pa cumpra 'add-ons' pa nan Online Gaming y e peligro di esey.


Den e seis siman aki lo bay traha, educa, y tambe interactua cu e hobennan. Segun Comenencia, na final e hobennan lo haya certificado.

En general, gaming no ta malo! E por yuda un hoben haya interes pa bay siña Code, y bira un Computer Programmer of IT Specialist. Pero Comenencia lo bay trece tur herment pa asina ilustra e proceso conta hunga.

Hobennan no ta mira e peligro di gaming for di tur angulo. Aki CAA ta hasta muestra con algun tiramento na scol na Merca a wordo liga directamente cu eierto videogame. Pa splica kico ta e consecuencia cu por tin ora bo bira adicto na wega. E tolerancia cu lo bay tin ta 0-agresividad, y esey ta algo cu a stress riba dje na e alumnonan.

Unavez cu bo tin 2 ora caba straight ta hungando Computer Game, ya bo ta den problema di adiccion di gaming.

E hecho cu e contacto aki lo dura seis siman largo, ta pone cu e alumnonan ta haya hopi confianza y ta bira mas 'habri' pa trata e topico aki cu tur honesti-



dad. Esaki di nan banda, mas riba e asunto aki di lo siña e profesionalnan gaming.